


Xesús, quero poñerme en camiño

Señor, estamos en Advento,
axiña virás visitarme á casa.
Dime que prepare o camiño á túa vinda.
Vou facer reformas, quero que te sintas no teu fogar.
Prepararei a miña MENTE para que non me distraia nada,
pensando só en ti, deixando outras cousas.
Ampliarei máis os meus OLLOS para que estean limpos
para descubrir que só ti es a razón
de celebrar estas festas de Nadal.
Baleirarei as miñas MANS para poder acoller,
a alegría, a fe e a paz que nos traes.
Axustarei os meus OÍDOS para estar máis atento
á túa Palabra, á túa chamada e á túa mensaxe.
Abrirei a miña BOCA para orar máis e afinarei a miña voz
para que podamos ter unha conversación de amigo
a amigo, chea de optimismo e esperanza.
Repararei o meu CORAZÓN para que desaparezca del
todo pecado, todo rancor, todo egoísmo e enchereino
de entusiasmo, de alegría e do teu Espírito.
Señor, estou impaciente! Cantos cambios teño que facer!
Ven axiña á nosa casa!



As 4 candeas de Advento

Nesta semana
acendemos a 2ª candeas,
a candeas dos xestos de amor:

Señor Xesús: hai xa dous milenios que viñeches entre nós. Pero sabes que no mundo e en nós aínda todo non é belo nin bo. Seguen os odios, os egoísmos. Por iso temos necesidade de ti.

Axúdanos a prepararte o camiño indo pola vida regalando xestos de amor, de paz, de diálogo e compaixón. Ven, Señor Xesús!



**8 de decembro
María, Señora do Si e da entrega,
que aceptaches a misión que Deus te encomendou.
Muller fiel e xenerosa,
María Inmaculada,
roga por nós.**

Anunciamos
con
Alegría



Evanxeo
9-dec-2018
2º-Advento-C



**En ADVENTO ponte
en camiño, ...SITÚATE.**

Advento 2º G



• BARUC 5, 1-9: Deus amosará o teu esplendor.

Xerusalén, quita o teu vestido de loito e aflicción que levas, e vístete as galas perpetuas da gloria que Deus che concede. Envólve-te no manto da xustiza de Deus, e ponte na cabeza o diadema da gloria do Eterno, porque Deus amosará o teu esplendor a cantos habitan baixo o ceo. Deus darache un nome para sempre: «Paz na xustiza» e «Gloria na piedade». En pé, Xerusalén, sobe á altura, mira cara ao oriente e contempla os teus fillos: o Santo reúne-os de oriente a occidente e chegan gozosos invocando o seu Deus. A pé tiveron que partir, conducidos polo inimigo, pero Deus traerachos con gloria, como levados en carroza real. Deus mandou rebaixarse a todos os montes elevados e a todos os outeiros alzados; mandou reencherse os barrancos ata facer que o chan se nivele, para que Israel camiñe seguro, guiado pola gloria de Deus. mandou aos bosques e ás árbores aromáticas que dean sombra a Israel. Porque Deus guiará a Israel con ledicia, á luz da súa gloria, coa súa xustiza e a súa misericordia. *Palabra do Señor.*

• SALMO 125: R/. O Señor estivo grande connosco, e estamos alegres.

• FILIPENSES 1, 4-6. 8-11: Que chegedes ao día de Cristo limpos e irreprochables.

• LUCAS 3, 1-6: Todos verán a salvación de Deus.

Narrador: No ano decimo quinto do imperio do emperador Tiberio, sendo Poncio Pilato gobernador de Xudea, e Herodes tetrarca de Galilea, e o seu irmán Filipe tetrarca de Iturea e Traconítide, e Lisanio tetrarca de Abilene, baixo o sumo sacerdocio de Anás e Caifás, veu a palabra de Deus sobre Xoán, fillo de Zacarías, no deserto.

E percorreu toda a comarca do Xordán, **predicando un bautismo de conversión** para perdón dos pecados, como está escrito no libro dos oráculos do profeta Isaías:

Xoán Bautista: «Voz do que grita no deserto: **Prepara-de o camiño do Señor, achanzade os seus carreiros; os vales serán reenchidos, os montes e outeiros serán rebaixados; o torto será endereitado, o escabroso será camiño chan. E toda carne verá a salvación de Deus.**».

Palabra do Señor.

(Narrador-Xoán Bautista).



En ADVENTO ponte en camiño, ...SITÚATE. 1.Ver: Poñer o GPS

- Cando queremos ir en coche ou na bici a algún lugar, para non perdernos necesitamos un GPS para situarnos, el indicaranos o lugar onde nos atopamos e a onde queremos chegar. Se seguimos o bo camiño diranos: *“chegou vostede ao lugar de destino”*.

Que necesitas preparar cando vas de viaxe? Que necesitas saber do camiño que vas percorrer e do teu destino?

2. XULGAR: Ponte en camiño, sitúate

+No evanxeo deste domingo, preséntasenos o personaxe de Xoán Bautista que anuncia a chegada de Xesús e invítanos á conversión dicindo: *“prepara-de o camiño do Señor”, “achanzade...”, “rebaixade...”, “endereitate”*.

+ QUE NOS QUERE DICIR XESÚS?

-**Hoxe a mensaxe da Palabra de Deus invítanos a preparar o camiño** para a chegada de Xesús. Desta forma o Anxo Gabriel actívanos o GPS.

-Tras escoitar a Palabra detéñome para ver **onde estou**, sitúome:

* **“Prepara-de o camiño”**: hai que ver as dificultades do camiño.

* **“Achazade os carreiros?”**: mira que curvas e pendentes hai na túa vida.

* **Elixide o voso destino**: a onde queres chegar, atoparte con Xesús.

-E a continuación **póñome en camiño, o camiño de cambio**, de conversión... quitando do meu corazón, da miña conduta, o que me afasta da vinda de Xesús, do encontro con el.

-Ese camiño de cambio debe notarse en **“pequenos xestos de amor”**: un saúdo, chamar polo nome, pensar ben, facer o ben, sorrir, visitar a alguén, facer favores, prestar algo, esquecer unha ofensa, recordar día de anos, ser puntual, non gritar...**Que podes facer para camiñar cara a Xesús? Que podes quitar do teu corazón que estorba o encontro con El?**

3. ACTUAR: Prepara o camiño

+Seguimos colocando o belén na casa e na parroquia / comunidade.

+Poderíamos facer un camiño de advento con 4 paradas (os domingos), na meta un berce e aos lados do camiño actitudes que queremos cambiar.

+Acendemos a 2ª candeia (a da conversión).

Que imos facer?